

8 Im kim ar jab mōña bred jen jabrewōt armij im ejelok wōnan, a kim ar jerbal im iñtan ran im boñ, bwe kimin jab kōmōn kapjeram ñōn jabrewōt lami.

Jerb. 18. 3. & 20. 34. 2 Kor. 11. 9. 1 Tes. 2. 9.

9 Jab bwe ejelok am maroñ, a bwe kimin likit kim ñōn kom kin joñok, bwe komin kajeoñwe kim.

1 Kor. 9. 6. 1 Tes. 2. 6.

10 Bwe ke kim ar ber ibemi, kim ar jiroñ kom men in, Elañe jabrewōt e jab kōnan jerbal, en jab mōña.

Jen. 3. 19. 1 Tes. 4. 11.

11 Bwe kimij roñ kin jet rej etetal iolapemi im jelomene, im re jab jerbal ñōn jirik, a rej dri kōmōnmōn bata.

1 Tes. 4. 11. 1 Tim. 5. 13. 1 Pit. 4. 15.

12 Inem kim jiroñ im kowe ro rej ein drein, kin ar Iroj Jisōs Kraist, bwe ren jerbal wōt im tōt, im mōña bred ko air.

1 Tes. 4. 11. Ep. 4. 28.

13 A kom, ro jātīm, komin jab mōk ilo ami kōmōnmōn emōn.

Gal. 6. 9.

14 A elañe jabrewōt armij e jab bokake nan in am ilo letter in, komin kili e im jab kōmao iben, bwe en jok.

Mat. 18. 17. 1 Kor. 5. 9, 11.

15 Im jab likit e dri kijirāt, a komin kowe e einwōt jeōmi im jātōmi.

Leval 19. 17. 1 Tes. 5. 14. Tait. 8. 10.

16 Im E, Iroj in ainemōn, En lewoj ñōn kom ainemōn, ien otemej, kin men otemjelok. Iroj en ber ibemi otemej.

Rom 15. 33. 1 Kor. 14. 33. 1 Tes. 5. 23.

17 Yokyokwe an Paul jenkwōn peiō, eo ej kakōle ilo letter otemej: ein drein aō jeje.

1 Kor. 16. 21. Kol. 4. 18.

18 Joij an ar Iroj Jisōs Kraist en ber ibemi otemej.

Rom 16. 24.

## LETTER MOKTA AN PAUL ÑŌN TIMOTE.

### JAPTER 1.

**PAUL**, dri jilik an Kraist Jisōs, kin kien Anij ar Dri Lomor, im Kraist Jisōs ar kejatrikrik; Gal. 1. 1. jap. 2. 3. & 4. 10. Tait. 1. 3. Kol. 1. 27.

2 Ñōn Timote nejiō emol ilo tōmak: Joij, tiriamōkake, ainemōn, jen Anij Jemer im Kraist Jisōs ar Iroj.

Jerb. 16. 1. 1 Kor. 4. 17. Tait. 1. 4. 2 Tim. 1. 2.

3 Einwōt I ar akwelap ñōn kwe, bwe kwon berwōt i Epesōs ke I ar ilok ñōn Masedonia, bwe kwon kowe jet bwe ren jab katakin kin katak ein juōn,

Pil. 2. 24. Gal. 1. 6, 7. jap. 6. 3.

4 Im kejbārok ir jen bwebwenato wan kab lajrōk in ebeben ko im ejelok jemlokir, ko rej kwalok kajitōkin ko im jab jibōñ jerbal in

Anij eo ej ilo tōmak; ein drein aō kōmōn kiō.

jap. 4. 7. & 6. 4. 2 Tim. 2. 14, 23. Tait. 1. 14. & 3. 9.

5 A tokjen nan in kowe, yokwe jen buru erreō, im bōklikōt emōn, im tōmak emol.

Rom 13. 10. Gal. 5. 14. 2 Tim. 2. 22.

6 A jet r'ar illok jen men kein im jeōrlōk ñōn konono bata;

jap. 6. 20.

7 Ke re kōnan bwe ren dri katakin kin kien eo, re jaje ta eo re ba, ak ta eo re bin im konono kake.

jap. 6. 4.

8 A je jela bwe emōn kien eo elañe ekar an armij kōmōn kake,

Rom 7. 12.

9 Im je jela bwe ar jab kōmōne kien ñōn dru wānik, a ñōn ro rej kōtōrei kien im ro re kiblia, ñōn ro renana im ro dri jerawiwi, ñōn

ro re jok drer im ro r'ablip, ñön ro  
rej mōn jemeir im jineir, ñön ro rej  
uror,

Gal. 3. 19. & 5. 23.

10 Ñön ro dri lūñ, im ñön man ro  
rej mōke kananaik ir iben eman,  
ñön ro rej kwot armij im ro dri  
riōp, ñön ro e riōp air kanōjnij, im  
ro rej kōmōnmōn men ko jet jabre-  
wōt re jakkar ñön katak ejime;

jap. 6. 3. 2 Tim. 4. 3. Tait. 1. 9. & 2. 1.

11 Kin gospel e aibujuij an Anij e  
mōnōñō, eo emwij likit e ñön iō.

jap. 6. 15. 1 Kor. 9. 17. Gal. 2. 7. jap. 2. 7.  
Tait. 1. 3.

12 Ij kamolol Kraist Jisōs ar Iroi,  
eo E ar kamaroñ iō, bwe E ar wa-  
tōk iō etiljek im kadreloñ iō ilo jer-  
bal in An;

1 Kor. 7. 25. 2 Kor. 3. 6. & 4. 1. & 12. 9. Kol.  
1. 25.

13 Meñe mokta I kin kajirere im  
matōrtōre im lej: a Anij e ar tīria-  
mokake iō bwe I ar kōmōn ein  
drein ke I ja jaje wōt im jañin tō-  
mak;

Jerb. 8. 3. Luk 23. 34. Jon 9. 39. Jerb. 3.  
17. & 28. 9.

14 Im joij an ar Iroi e ar kanuij  
lōñlok, kab tōmak im yokwe eo ej  
ilo Kraist Jisōs.

Rom 5. 20. 1 Kor. 15. 10. 2 Tim. 1. 13. Luk  
7. 47.

15 Remol nan kein im emōn eoroñ  
wōt, bwe Kraist Jisōs e ar itok ñön  
lōl bwe En lomoren ro dri jera-  
wiwi, im ña eo laptata iair.

jap. 3. 1. & 4. 9. 2 Tim. 2. 11. Tait. 3. 8.  
1 Mat. 9. 13. Mark 2. 17. Rom 5. 8.  
1 Jon 3. 5.

16 A kin men in, Anij e ar tīria-  
mokake iō, bwe Kraist Jisōs en  
kwalok ilo ña mokta meanwōr  
otemjej, kin joñok ñön ro re naj  
liki E tokelik ñön mour in drio.

2 Kor. 4. 1. Jerb. 13. 39.

17 Kiō ñön Kiñ eo Ej mour wōt  
jen in drio ñön in drio, e jab wa-  
bōnbōn im je ban lo E, eo E mōke  
wōt Anij, nebar im aibujuij in drio  
im in drio. Amen.

Sam 10. 18. Dan. 7. 14. jap. 6. 18. Rom 1. 23.  
& 16. 27. Jon 1. 18. Hib. 11. 27. Jud 25.  
1 Kron. 29. 11.

18 Kien in Ij likit na ibōm, nejiō  
Timote, kin kir ko r'ar ba mokta

kin yuk, bwe ilo ir kwon maroñ in  
tōrinae kin tōrinae eo emōn;

2 Tim. 2. 2. jap. 4. 14. & 6. 12. 13. 2 Tim. 2. 3.  
& 4. 7.

19 Im kejbārok tōmak im bōkli-  
kōt emōn, eo jet, kin air jolok e,  
r'ar rup im mejōljōllok jen tōmak.

jap. 3. 9. & 6. 9.

20 Ruo iair, Haimeniōs im Alex-  
ander; I ar ketōk ir ñön Setan,  
bwe ren katak im jamin bar blas-  
pim.

2 Tim. 2. 17. & 4. 14. 1 Kor. 5. 5. Jerb. 13. 45.

## JAPTER 2.

**I**NEM Ij kowe mokta, bwe armij  
ren akwelap, im jar, im kajitōk  
im kamolol Anij, kin armij otemjej;  
2 Kin kiñ ro im iroi otemjelok;  
bwe jen mour im tōt wōt ilo aine-  
mōn im kwojarjar im kōmōnmōn  
emōn mwiler otemjej.

Ezra 6. 10. Jer. 29. 7. Rom 13. 1.

3 Bwe men in emōn im men in  
yokwe iman mejen Anij, eo Ej Dri  
Lomoren kij;

Rom 12. 2. jap. 1. 1. & 5. 4. 2 Tim. 1. 9.

4 Eo e kōnan lomoren armij otem-  
jej, im bwe ren item jela mol.

Ezek. 18. 23. Jon 3. 16. 17. & 17. 3. Tait. 2. 11.  
2 Pit. 3. 9. 2 Tim. 2. 25.

5 Bwe juōn wōt Anij, im juōn wōt  
Dri Kilajrōk ikotan Anij im armij  
rōn, Eo ej armij, Kraist Jisōs,

Rom 3. 30. Gal. 3. 20. Hib. 8. 6. & 9. 15.

6 Eo e ar mōke lelok E bwe En  
binmour ñön armij otemjej, im naj  
kennan kake ilo ien ko an;

Mat. 20. 28. Ep. 1. 7. Tait. 2. 14. 1 Kor. 1. 6.  
2 Tes. 1. 10. 1 Rom 5. 6. Gal. 4. 4. Ep.  
1. 9. & 3. 5.

7 Kin eo E ar likit iō dri kaki im  
dri jilik (ij ba emol im jab riōp),  
kab dri katakin dri ailifi ko ilo tō-  
mak im mol.

Ep. 3. 7. 8. 2 Tim. 1. 11. Rom 9. 1. & 11. 13.  
& 15. 16. Gal. 1. 16.

8 Inem I kōnan bwe man ren jar  
ijo ko otemjej im kwotōk peir kwo-  
jarjar im ejelok illu ak berre.

Mal. 1. 11. Jon 4. 21. Sam 134. 2. Isa. 1. 15.

9 Bareinwōt, bwe kōra ren kōnōk  
nuknuk ko re karbōp, im ren kō-  
kōmōnmwin im jejairunoi, im jab  
kanuij karilip birōkprik in bōrair,

im jab kanuij kalitlit ir kin gold  
im bōr ko im nuknuk ko re kanuij  
aibujuij;

1 Pit. 3. 3.

10 A (eo ekar nōn kōra ro rej kwa-  
lok air tōmak) kin air jermal remōn.

11 Kōra en katak im tōt wōt im  
jilkaie.

12 A I jab likit nōn juōn kōra bwe  
en dri kaki ak iroi j ion eman, a ren  
tōt wōt.

1 Kor. 14. 34. Ep. 5. 24.

13 Bwe emwij kōmōnmōn Adam  
mokta, im tokelik Iv;

Jen. 1. 27. & 2. 18, 22. 1 Kor. 11. 8, 9.

14 Im ar jab mone Adam, a ke  
emwij mone Iv, e ar jerawiwi:

Jen. 3. 6. 2 Kor. 11. 3.

15 A naj lomoren ir ilo air keutak  
ro nejliir, elañe rej berwōt ilo tōmak  
im yokwe im kwojarjar im jejairu-  
noij.

### JAPTER 3.

**E**MOL nan in, Elañe armij ej bu-  
kot bwe en dri kaki elap, ej  
kōnan jermal emōn.

jap. 1. 15. Jerb. 20. 28. Pil. 1. 1. Ep. 4. 12.

2 Inem, dri kaki elap enjelok no-  
tan, en juōn wōt belen, en jadōr, en  
kōkōmōnmwin, en emōn mwilin,  
en lap an eken, en jela katakin;

Tait. 1. 6. jap. 5. 9. 2 Tim. 2. 24.

3 En jab ijol wain, en jab jekanu-  
nok, en joi j wot, en jab dri iri, en  
jab arōk dala;

2 Tim. 2. 24. 1 Pit. 5. 2.

4 En emōn an iroi j i mweo imōn,  
bwe ro nejn ren bokake e, im en  
mwilin armij;

5 (A elañe armij e jaje kin an iroi j  
i mweo imōn, eklikan an lale ekli-  
sia an Anij?)

6 En jab kāl ilo jermal in Anij, ñe  
ab en utlej buruen im ebuñ im ein-  
wōt kar liakelok devil eo.

Isa. 14. 12.

7 Bar juōn ro re jab tōmak ren jab  
ñutñut e bōjij, bwe en jab buñ ilo  
kinake im jen an Setan.

Jerb. 22. 12. 1 Kor. 5. 12. 1 Tes. 4. 12. jap.  
6. 9. 2 Tim. 2. 26.

8 Ein drein, ro dikōn, ren mwilin

armij, en jab romiōñe air konono,  
ren jab ijol wain, ren jab arōk dala;  
Jerb. 6. 3. Leval 10. 9. Ezek. 44. 21.

9 Im ren kejbārok men eo etino  
an tōmak ilo bōklikōt erreō.

jap. 1. 19.

10 A emōn melejoñ ir mokta;  
inem elañe ejelok notair, ren jermal  
in dikōn.

11 Kōra rōn, ein drein ren mwilin  
armij, ren jab rurue, ren jadōr, ren  
tiljek kin men ko otemjelok.

Tait. 2. 3.

12 Dikōn ro, en eju wōt beleir, im  
en emōn air iroi j ion ro nejliir, kab  
ro rej jokwe ibeir.

13 Bwe ro r'ar jermal im dikōn  
emōn, rej jibarek jikin jutōk emōn,  
im beran elap ilo tōmak eo ej ilo  
Kraist Jisōs.

Mat. 25. 21.

14 Ij jejewoj men kein im kōtō-  
mene bwe in iwij mōkōj nōn yuk;

15 A elañe I ja rumij, bwe kwon  
jela eklikan emōn an armij ber im  
kōmōn ilo imōn Anij, eo eklisia an  
Anij emour, jurōn im loñtak in  
mol.

Ep. 2. 21, 22. 2 Tim. 2. 20.

16 Im, armij otemjej burueir wōt  
juōn, elap men eo etino ilo jermal in  
Anij; Eo ar kwalok E ilo kōniek,  
im Jitōb e ar kamol E, im enjel ro  
r'ar lo E, ar kwalok kin E nōn dri  
ailiñ ko, ar liki E ilo lōl, emwij  
bokliñlok E ilo aibujuij.

Jon 1. 14. 1 Jon 1. 2. Mat. 3. 16. Jon 1. 32.  
33. & 15. 26. & 16. 8, 9. Rom 1. 4. 1 Pit. 3. 18.  
1 Jon 5. 6. 1 Mat. 28. 2. Mark 16. 5. Luk 2.  
13. & 24. 4. Jon 20. 12. 1 Pit. 1. 12. 1 Jerb.  
10. 34. & 13. 46, 48. Rom 10. 18. Ep. 3. 5-10.  
jap. 2. 7. Kol. 1. 6, 23, 27. Luk 24. 51. Jerb.  
1. 9. 1 Pit. 3. 22.

### JAPTER 4.

**A**E alikar an Jitōb ba, bwe ilo  
ien ko elik, jet re naj buñ jen  
tōmak, im eoroñ jitōb ro rej mon ir,  
im katak ko an dimōn rōn,

Jon 16. 13. 1 Tes. 2. 3. 2 Tim. 3. 1. 2 Pit. 3. 3.  
1 Jon 2. 18. Jud 4. 18. 1 Pit. 1. 20. Dan.  
11. 37. Rev. 9. 20. & 16. 14.

2 Kin jela mon an armij rej riōp,  
im bōklikōt ko air rebn im einwōt  
ñe jej itil kin mal ebwil;

Rom 16. 18. 2 Pit. 2. 3. Ep. 4. 19.

3 Im re naj bōprae an armij belele, im kōmōn kien bwe ren jab mōña kōniek ko, Anij e ar kōmōmōni bwe ro rej tōmak im jela mol ren bōk im kamolol Anij kaki.

Kol. 2. 20, 21. Hib. 13. 4. Rom 14. 3, 17. 1 Kor. 8. 8. Jen. 1. 29. & 9. 3. Rom 14. 6.

4 Bwe emōn men otemjej Anij e ar kōmōnmōni im ren jab abwinbōke jabrewōt iair, elafie rej bōk im kamolol Anij kin e:

Rom 14. 14, 20.

5 Bwe nan in Anij im jar rej kwojarjar e.

6 Elafie kwoj kememeylok nōn jimjān jimjāten kin men kein, kwo naj dri jerbal emōn an Jisōs Kraist, im nan in tōmak ko im katak ejime, kw'ar bokaki nōn ien in, re naj najirik im kadreklok yuk:

2 Tim. 3. 14, 15.

7 A kwon abwin bwebwenato rewan im jakkar an lilap rōn. Im kwon mōke kamineneiklok yuk ilo jerbal in Anij:

jap. 1. 4. & 6. 20. 2 Tim. 2. 18, 23. & 4. 4. Tait. 1. 14. Hib. 5. 14.

8 Bwe elafie kwoj kamineneik enbwinōm wōt, e naj jar rik an kakajuror yuk, a jerbal in Anij ej kakajuror yuk kin men otemjej, im eor an kalimur kin mour in, kab mour eo e naj itok.

Kol. 2. 23. jap. 6. 6. Sam 37. 4. & 84. 11. & 112. 2, 3. & 145. 19. Mat. 6. 33. Mark 10. 30.

9 Emol nan in, im emōn eoiuroñ wōt.

jap. 1. 15.

10 Kin men in kimij jerbal, im kate kim, bwe kimij kejatrikrik kim kin Anij emour, Eo ej kōnan lomoren armij otemjej, im E naj lomoren ro rej liki E.

1 Kor. 4. 12. jap. 6. 17. Sam 36. 6. & 107. 2, 6.

11 Men kein kwon jiroñ im katakin ir.

jap. 6. 2.

12 Ejelok armij en kejekron yuk kin am likao; a kwon juōn joñok nōn ro rej tōmak, ilo nan, ilo kōmōnmōn, ilo yokwe, ilo tōmak, im ilo kwojarjar.

1 Kor. 16. 11. Tait. 2. 7. 1 Pit. 5. 3.

13 Mae ien I naj iwij, kwon nik-

nik ilo konono ilo buk, im kowe, im katakin.

14 Kwon jab jekeini men in aurōk eo iloam, im ar lewoj nōn kwe kin drikanij kin yuk, im kin likit pein elder ro iom.

15 Kwon owōn ilo men kein, im mōke lelok yuk nōn ir, bwe am wōnmanlok en alikar nōn ro otemjej.

Jap. 1. 18. & 5. 22. Jerb. 6. 6. & 8. 17. & 13. 3. & 19. 6. 2 Tim. 1. 6.

16 Kwon kejbārok yuk, im men in katakin ko am. Kwon berwōt ilo men kein; bwe ilo am kōmōn ein drein, kwo naj mōke lomoren yuk, kab ro rej roñjake yuk.

Jerb. 20. 28. Ezek. 33. 9. Rom 11. 14.

## JAPTER 5.

**E**N jab bin am kowe juōn elder, a kajime e einwōt kar jemōm, im ro likao einwōt kar ro jeōm im jātōm man:

Levai 19. 32.

2 Ro lilap einwōt kar jinōm; kōra re jab kanuij ridto einwōt kar ro jeōm im jātōm kōra ilo kwojarjar otemjej.

3 Kwon kōñiājolk kōra ro rej mōke iair im rejoko beleir.

4 A elafie jabrewōt kōra ejoko belen, im eor nejnin ak jibwin ak jiman, ren katak mokta kin lale ro nukilr, im ren emōn mwiliir kake, im nawōnan ro jemeir im jineir; bwe men in men in kabuñburuen iman mejen Anij.

Jen. 45. 10, 11. Mat. 15. 4. Ep. 6. 1, 2. jap. 2. 3.

5 Kōra eo ejoko belen im e mōke ian, ej kejatrikrik e kin Anij, im ej berwōt im jar im akwelap boñ im ran.

1 Kor. 7. 32. Luk 2. 37. Jerb. 26. 7.

6 A kōra eo ej mour ekar nōn mōm ko an, ej mij ilo an mour.

Jem. 5. 5.

7 Men kein kwon bareinwōt jiroñ bwe ren jab kōmōn notair.

jap. 4. 11.

8 A elafie jabrewōt e jakkene ro nukin, im elaplok ro dri loan mwewo

imön, e ar kariöp an tömak im ej nana jen dri jab tömak.

Isa. 58. 7. Gal. 6. 10. 2 Tim. 3. 5. Tait. 1. 16.

9 Ren kälet köra ejoko belen drer jöbne jiljinoñoul yiö, im kar juön wöt belen,

Luk 2. 36. jap. 3. 2.

10 Im en buñbuñ kin an jerbal ko remön; elañe emwij an kakajiriik ro nejin, im lale ro drua majjet, im kwoll neen ro remön, im jiböñ ro rej iñtan, im niknik ilo jerbal emön otemjej.

Jerb. 16. 15. Hib. 13. 2. Jen. 18. 4. Luk 7. 38, 44. Jon 13. 5, 14.

11 A köra ro re jañiu lilap im ejoko beleir, kwon jab kälet: bwe elikin an utiej burueir im jumae Kraist, re kōnan belele;

12 Im liakelok ibeir bwe r'ar jolok air nan in kalimur mokta.

13 Im bareinwöt rej katak im jowön im etetal böjik, im ilok ñön mweiö moweo, im jab jatoktok wöt, a ñiiremij bareinwöt im dri jerbal bata, im re ba nan ko re jakkar böjik.

2 Tes. 3. 11.

14 Inem I kōnan bwe köra rōn, ejoko beleir im re jab kanuij ridto, ren belele im keutak nejlir, im lale moko imweir, im jab likit bwe dri kijirät en kajirere kake ir:

1 Kor. 7. 9. jap. 6. 1. Tait. 2. 8.

15 Bwe kiö emwij an jet illok im lor Setan.

16 Elañe jabrewöt köra ej tömak, im eor köra ejoko beleir iben, en lale im jiböñ ir, im jab kömön kapjeran ñön eklisia; bwe en maroñ in jiböñ köra rejoko beleir im möke iair.

17 Ren koutiej wöt elder ro rej iroi jime, im ro rej bareinwöt jerbal ilo nan im katakin, ren kanuij koutiej ir.

Rom 12. 8. 1 Kor. 9. 10, 14. Gal. 6. 6. 1 Tes. 5. 12, 13. Jerb. 28. 10.

18 Bwe Jeje ko re ba, Kwon jab taur loñin kau koman eo ej jujuri korn, im, Dri jerbal ej tellokön wōnan.

Dut. 25. 4. 1 Kor. 9. 9. Levai 19. 13.

19 Kwon jab eoroñ nan in kinak-

lok elder, elañe e jab ruo ak jilu dri kennan kake.

Dut. 19. 15.

20 Kwon kowe ro rej jerawiwi, iman mejen armij otemjej bwe ro jet ren bareinwöt mijök.

Gal. 2. 14. Tait. 1. 13. Dut. 13. 11.

21 Ij kowe yuk iman mejen Anij, im Kraist Jisös, im enjel rōn E ar kälet ir, bwe kwon kejbärok nan kein, im jab ekajete mokta, im jab kömön jabrewöt kin kabwiloklok mej.

jap. 6. 13. 2 Tim. 2. 14. & 4. 1.

22 Kwon jab jaröpmököj im likit peiöm ion jabrewöt armij, im jab bök mötön an bar jet armij jerawiwi ko: kwon kejbärok yuk im erreö.

Jerb. 6. 6. jap. 4. 14. 2 Tim. 1. 6. 2 Jon 11.

23 Kwon jab ber im irak dren wöt, a kwon irak jirik wain bwe en emön lojiöm, im bwe en jab makij-kij am nañinmij.

Sam 104. 15.

24 Jet armij jerawiwi ko air rej alikar mokta, im ilok imairlok ñön ekajet; a kin bar jet rej ilok ilokairlok.

Gal. 5. 19.

25 Bareinwöt jerbal ko remön, jet iair rej alikar; im ko re jab einwöt re ban nojök.

## JAPTER 6.

**R**O dri korijer, rej dri kamoko-ko, ren kairoi j karo ro air, bwe armij ren jab blaspim etan Anij, im nan in katak eo.

Ep. 6. 5. 1 Pit. 2. 19. Isa. 52. 5. Rom 2. 24. Tait. 2. 5, 8, 9.

2 Im ro rej korijer ñön ro dri tömak, ren jab kejekron ir, bwe rej jeir im jätir; a ren korijer ñön ir emönlok, bwe re tiljek im jitenburu ibeir, im air jerbal ej kakajuror ir. Men kein kwon katakin im kowe.

Kol. 4. 1. jap. 4. 11.

3 Elañe jabrewöt armij ej katakin ein juön, im jab bök ñön nan ko remön, aet, nan ko an ar Iroi j Jisös Kraist, kab katak eo ekar ñön kömönmön emön;

jap. 1. 3, 10. 2 Tim. 1. 13. & 4. 3. Tait. 1. 1, 9.

4 Ej jua, e dri jajelokjen, im e kanuij yokwe kajtök ko im akwail in nan ko, jen eo ej walok junmar, akwail, kajirere, mäten ko renana, 1 Kor. 8. 2. jap. 1. 4. 7. 2 Tim. 2. 23. Tait. 3. 9.

5 Im aituerök ko r'ankeke an armij im air retton, kab ejelok mol ibeir, im ilo air lemnok tömak ej ken koorlok dala.

1 Kor. 11. 18. jap. 1. 6. Tait. 1. 11. 2 Pit. 2. 3. Rom 16. 17. 2 Tim. 3. 5, 8.

6 A mwilin ekwojarjar kab joköne, elap air nawönan.

Pro. 15. 16. Hib. 13. 15.

7 Bwe j'ar jab böktok jabrewöt ñön löl in, im bareinwöt je ban bökklok jabrewöt jen e;

Job 1. 21. Sam 49. 17. Pro. 27. 24. Ekl. 5. 15.

8 A elañe eor möña im nuknuk ko iber, jen joköne kaki.

Jen. 28. 20.

9 A ro re kanuij kōnan bwe ren dri mweie, re buñ ilo kabo im oujir im elöñ möm ko re bwebwe im nana, rej kamaloñ armij im kokkure ir ilo jikin joko.

Pro. 15. 27. Mat. 13. 22. Jem. 5. 1. jap. 1. 19. & 3. 7.

10 Bwe arök mönui ej okran nana otemjej, eo ke jet r'ar arök r'ar jebwäbwe jen tömak im möke wie ir kin elöñ men in kaburomöj.

Eks. 23. 8. Dut. 16. 19.

11 A kwe, O armij dron Anij, kwon ko jen men kein, im lor emön, kwojarjar, tömak, yokwe, klijenmij, im inemön.

2 Tim. 2. 22. & 3. 17. Dut. 33. 1.

12 Kwon törinae törinae emön eo an tömak, im drebij mour in drio, eo emwij kir yuk ñön e, im emön am kar kwalok kake iman mejen elöñ dri kennan.

1 Kor. 9. 25, 26. jap. 1. 18. 2 Tim. 4. 7. Pil. 3. 12, 14.

13 Ij kowe yuk iman mejen Anij, eo Ej kemour men otemjej, im

276

Kraist Jisös eo E ar kwalok kwalok emön iman mejen Pontiös Pailat; jap. 5. 21. Dut. 32. 39. Jon 5. 21. 1 Mat. 27. 11. Jon 18. 37. Rev. 1. 5. & 3. 14.

14 Bwe kwon kejbärok kien eo, im kwojarjar im ejelok notam, mae ien an ar IroiJ Jisös Kraist weaktok:

Pil. 1. 6, 10. 1 Tes. 3. 13. & 5. 23.

15 Eo E naj kwaloke ilo ien ko an, aet, Ej IroiJ emönönö im ejelok bar juön, E kiñ an kiñ ro, im IroiJ an iroiJ rön:

jap. 1. 11, 17. Rev. 17. 14. & 19. 16.

16 Eo wöt Ej möke mour jen in drio ñön in drio, im Ej ber ilo maram ejelok armij ej maroñ in kebak ñön e, Eo ejelok armij e ar loe ak maroñ in loe: ñön E nebar im kajar in drio. Amen.

Jud 25. Rev. 1. 6. & 4. 11. & 7. 12.

17 Kwon kowe ro dri mweie kin men ko an löl in, bwe ren jab ke-jatrikrik ir kin mweiek ko mweiek torlok, a kin Anij, eo Ej wujleptok ñön kij men ko otemjej bwe jen mönönö kaki;

Mark 10. 24. Pro. 23. 5. 1 Tes. 1. 9. jap. 3. 15. & 4. 10. Jerb. 14. 17. & 17. 26.

18 Bwe ren kōmōnmōn emön, bwe ren mweie kin jermal ko remön, im ren mol kab pojök in lelok men in tiriamo:

Luk 12. 21. jap. 5. 10. Tait. 3. 8. Rom 12. 13. Gal. 6. 6. Hib. 13. 16.

19 Im ren möke kamweikwiuk ir kin foundešön emön mae ien ej itok, bwe ren böck mour eo emol.

Mat. 6. 20. & 19. 21.

20 O Timote, kwon kejbärok men eo liki yuk kin e, im illok jen bwebwenato wan, im men in jumae an eo naetan jelalokjen, im riöp:

2 Tim. 1. 14. & 2. 14. & 3. 9. Tait. 1. 9, 14. & 3. 9. Rev. 3. 3. jap. 1. 4.

21 Eo, kin an jet kwalok kake r'ar jebwäbwe jen tömak eo.

Joij en ber iböm.

jap. 1. 6, 19. 2 Tim. 2. 18.